

armato, palladium regium adeo expugnavit quod ipsum tyrannum omnesque suos satellites cepit; quem morte turpissima, omnibus spectantibus, mori fecit. Hic quoque imperator per tempus magnum iuste et pie rexit imperium, omnibus pro tempore et loco suam impendens gratiam. Exercitum quem Guillelmus rex Apulie ad tantum scelus ulciscendum in Græciam miserat, ex omnibus suis expulit finibus. Sane post hæc Alexius, tam iusti imperatoris frater, omni plenus nequitia atque ineffabili avaritiæ atque ambitionis veneno inebriatus, præfatum imperatorem, cum suasi eius in quamdam sylvam [a] ivisset venatum, prosilientibus militibus ex insidiis quas ipse fratri paraverat, capere non dubitat [b]; et addens iniquitatem iniquitati, quod horribile est dictu, ipsum lumine privatum penitus quoque carceri [c] et vinculis arctissimis tradidit [d]. Audiens tantum scelus filius orbatu imperatoris, Robertus nomine [e] [f], cum adhuc infantulus in quadam nutriretur civitate [g], timens non modicum sibi, adiutorio quorundam in Italiam fugit, se cum suis Venetias conferens [h].

De flebili casu regni Hierosolymitani.

CAP. LXXXXIII.

Iterum Arca Dei capta est in bello, et sacerdotes impio interiere iugulo [i]; iterum Israel cæsus est [j] a Philisteis atque fugatus; iterum quasi vidua sedet domina gentium, et terra sanctissima facta est in tributum. Miraberis, lector? Nostorum hoc exigunt [k] merita peccatorum. Obstupescis, auditor? Occulta Dei [l] iudicia nostris prodeunt temporibus. Quasi igitur divinæ inspirationis oraculo præmonitus, Balduinus rex [m] [n] Hierosolimitanus, cum matrimonio nollet vacare legitimo, eo quod elephantia esset infectus [o], timebat quamplurimum, ne, prole suæ stirpis deficiente maxime masculina, regnum ejus ad extraneum et fortasse minus idoneum volveretur. De consilio itaque suorum sapientum, Guillelmum Spatamlongam, filium Guillelmi marchionis de Monteferrato, nepotem scilicet domini imperatoris Romano-

[a] in quamdam sylvam, C. V.; in quam sylva, C. M. — [b] capere non dubitat. Sic lego. Codices habent: non dubitant. — [c] lumine privatum penitus quoque carceri. Sic lego C. M.; lumine privavit penitus, et carceri, C. V. Pro quoque, cl. Mitt. legit quem. — [d] Robertus nomine. Sic Codd. — [e] in quadam nutriretur civitate. Sic C. M.; in quadam mitteretur civitatem, C. V. — [f] interiere iugulo. Sic legit cl. Mitt.; interiere iugulo habere videtur, C. M.; interiere vinculo, C. V. — [g] cæsus est, C. M.; ceptus est, C. V. — [h] hoc exigunt, C. M.; hæc exigunt, C. V. — [i] Occulta Dei, C. V. et Cl. Mitt.; stulta, habet C. M. — [j] Balduinus rex. Sic Codd. — [k] elephantia esset infectus. Sic Codd. Est lepræ quaedam foeda species.

[A] Hoc contigit anno MCLXXXV, decimo nempe postquam imperio potitus fuerat.
[B] Fortasse legendum *Alexius*, sic enim vocabatur ille Isaacii filius, qui patrum Alexium anno MCCIII e throno deiecit.
[C] Constantinopolitanum imperium in Latinorum potestatem venit, teste Muratorio, anno MCCIV.
[D] Balduinus, scilicet, huius nominis quartus, vulgo cognitus cognomine leprosi. Fuit filius Almerici regis Hierosolymitani, et, patre mortuo, cum ipse tresdecim annos natus esset, regnum adeptus fuit die XIII iulii anno MCLXXIII.